

Ленинэнь киява

ВЛКСМ-нь Мокшэрэянь обкомонтэ ды Саранскоень ошонь комитетэнтэ газетаст

МАЕНЬ

27 чя,

1937 ие
№ 59 (733)

АКС: 7-40 н
ЧНБ: 17133

ПЕЛЕ ВЕ ЕНО ПОЛЮСОВ

ЭКСПЕДИЦИЯНЬ НАЧАЛЬНИКЕНТЕНЬ
О. Ю. ШМИДТ ялгантень
ЛИВТЯМОНЬ ОТРЯДОНЬ КОМАНДИ-
РЭНТЕНЬ М. В. ВОДОПЬЯНОВ ялгантень
ПЕЛЕ ВЕ ЕНО ПОЛЮСОВ ЭКСПЕДИ-
ЦИЯНЬ ВЕСЕ УЧАСТНИКТНЭНЕНЬ

Партиясь ды правительствась евтыть покш поздоровт пеле ве ено полюсов полярной экспедициянь славной участниктнэнень ды кучить тенст шумбра-чи аравтозь задачанть топавтоманзо—пеле ве ено полюсонть завоеваниянзо кувалт.

Советской авиациянь ды науканть те изнявксось теи итогт Арктиканть ды пеле ве ено китнень, конат истя пек эривить Советской Союзонтень, освоениясь коряс роботань пек вадря шкантень.

Васенде этапось ютазь, изнязь пек покш стака-читне. Минь кемдяно, што героической зимовщиктнэ, конат кадровить пеле ве ено полюссонтэ, честь марто топавтсызь пеле ве ено полюсонть тонавнемань сынент максозь задачанть.

Большевистской поздоровт пеле ве ено полюсонть отважной завоевательтнэнень!

И. Сталин.	А. Андреев.
В. Молотов.	С. Косиор.
К. Ворошилов.	А. Жданов.
Л. Каганович.	Н. Ежов.
М. Калинин.	М. Рухимович.
В. Чубарь.	В. Межлаук.
А. Микоян.	

МОСКОВОВ

СТАЛИН, МОЛотов, ВОРОШИЛОВ,
КАГАНОВИЧ, КАЛИНИН, ЧУБАРЬ,
МИКОЯН, АНДРЕЕВ, КОСИОР, ЖДАНОВ,
ЕЖОВ, РУХИМОВИЧ, МЕЖЛАУК
ялгантнэнень.

Пеле ве ено полюсто

А евавикс кеняркдс ды гордость марто минь кунсолынек партиянь ды правительствань руководителтнень поздоровонь валост. Те гордостесь советской ломантнень эсист вадрядояк-вадря масторокт кис, пек вадря самолетост кис, науканть касомань ды ломантнень касомань зардоак апак нексне условиятнень кис. Тынь лемдик полюссо станциянь теаманть „роботань пек вадря шкантень итогонь теемакс“. Те Арктикань исследованиянь ды освоениянь советской шка, те се шкась, зардо Тынь тынсь, Сталин ялгай, аравтыде пеле ве енксонть освоениянь задача, зардо Тынь тынсь невиде план ды средстват ды апак лотксе лездатадо полярниктнэнень руководствасо ды мельсэ. Арась седе покш уцякса эсь областсэ Тынк ине идеятнень тевс ютавтыцкс улеманть коряс, арась седе покш кенярдома ды гордость Тынк пельде шнамонь получамоть коряс, минек вечкевикс вожденек ды тонавтыцянок.

ШМИДТ.
ВОДОПЬЯНОВ.
ПАПАНИН.

СОВЕТСКОЙ ПОЛЯРНИКТНЭНЬ ИЗНЯВКСОСТ ЛАНГС ОТКЛИК

Омбо мастортнэнь марто тевтнень велямонь коряс СССР-нь Народной Комиссаронтэ заместителензэ—В. П. Потемкин ялганть лемсась испанской посолонтэ Марселино Паскуа г-нть пельде серма, косо сон евтась покш поздравленият Пелеве ено Полюссонтэ экспедициянь покш успехензэ кувалт. „Те алкукск пек покш изнявкс,—сермады Паскуа г-нзэ,—ды мон весе седейстэнь еван арсепат педепев прядомс аравтозь задачанть, конань значениязо научной исследованиянь ды практической применениянь эрва кодат областнэсэ может улемс пек покш“.

КОЧКАМОНЬ ОД СИСТЕМАНТЬ КОРЯС СОВЕТТНЭС КОЧКАМОТНЕНЕНЬ КОМСОМОЛЬСКОЙ ОРГАНИЗАЦИЯТНЕНЬ АНОКСТАМОСЬ ДЫ КОМСОМОЛ- СОНТЬ ПОЛИТИКО-ВОСПИТАТЕЛЬНОЙ РОБОТАНТЬ АСАТЫКСТНЭ

ВЛКСМ-нь ЦК-нь III-це пленумонтэ резолюциязо КОСАРЕВ ялганть докладонзо коряс

ССР-нь Союзонь од Конституциянь тевс ютавомась означает ВЛКСМ-нь весе организациятнень роботасост коренной поворот. Те поворотонть ладозо ашти масторонть политической эрмонть, государстванть велямонь коряс роботанть седеяк ламо од ломанень таргамосонтэ, од ломантнень политической активностест виензамосонтэ.

ВЛКСМ-нть эйсэ те кармавты педепев вадрялгавтомс од ломантнень ютксо политико-воспитательной весе эсь роботанзо ды виевгавты ВКП(б)-нь икеле комсомолонтэ ответственостензэ СССР-нь весе од ломантнень организовамоть кис ды сынст лангсо политической виде руководстванть кис. Ленинской комсомолонтень, кочкамонь од системанть коряс Советтнэс кочкамотнень кувалт, эрви эщо седеяк пек возглавить од ломантнень политической активностест, улемс од ломантнень прывтокс ды сынст эщо седеяк кеместэ пурнамс ВКП(б)-нть ды советской властентэ перька.

Анок ли комсомолось ней тенень? Арась, аволь анок!

Мезе васняк вешевы комсомолонтэ пельде, штобу сон улелель Советтнэс сыця кочкамотнэсэ од ломантнень прывтокс?

1) Тень туртов ленинской комсомолонтень эстензэ эрви весе роботасонзо ютавомс келей демократия ды кеместэ топавтомс демократической централизмань основатнень, кода тень веши ВЛКСМ-нь уставось. Тень туртов ленинской комсомолонтень эрви ютавомс эсинзэ ветиця органтнэнь алкуксонь выборность алсе организациятнэстэ саезь верев пачкодемс, келейстэ ютавомс эсь роботанть асатыкстнэнь критика ды самокритика, эрви ютавомс комсомольской массатнень икеле комсомольской органтнэнь отчетность.

Перестроился ли комсомолось педепев те демократической коентэ коряс? Арась.

Комсомольской весе органтнэнь кочкасеманть таркас, кода тень веши комсомолонь уставось, келейстэ ютавтеви комитеттнэнь членкс кооптациянь практикась, конатась од ломантнень воспитаниянь туртов канды зыян. Выборной должностнэсэ комсомольской роботниктнэнь кемекстамось ды роботасто сынст кайсемась седейстэ моли комсомолонтнэнь участиявтомост, сынст котмерест удало. Тевесь пачкодсь сенень, што комсомолонь сталинградской ды куйбышевской обкомтнэнь бюротне обкомонь пленумсто кооптировасть (совавтсь) областной комитетэнь бюрос роботникт, конатнэнь кияк эзинзе кочка.

Комсомольской органтнэнь кочкамоств пингстэ самокритика а эрси, комитетэнь членкс кандидатуратнень толко-

вить эрва кодамо предварительной совещаниясо ды ансяк формальна—промкстнэсэ ды конференциятнэсэ; голосованиясь ютавтневи спискань коряс, но аволь башка эрва кандидатуранть коряс.

Комитеттнэнь пленумтнэ пурнавкшныть чуросто. Ламо пленумтнэнь роботаст полавтневи сынст бюронть роботасо. Нардтневи гранесь комитетэнь пленумонтэ ды эрва чинь обычной совещаниянь ютксо.

Од ломантнень воспитаниянь задачанть цидярдозь толковамоть таркас ды комсомольской роботниктнэнень практической лездамоть таркас комсомолонь ламо организациява сех пек эрси администрирования, пижнемат ды тувталтомо эрва кодамо взысканиянь путнемась. Критикась ды самокритикась лепштявкшныльть ды полавтневильть парадностьсэ, шумихасо ды прянь шнамосо. Руководящей роботниктнэ комсомолонтнэнь вайгелест а кунцолокшныльть. Комитеттнэ комсомолонтнэнь икеле отчетт а тейнильть.

Весе те неизбежна тормоцтась комсомолонтнэнь активностест касоманть, ВЛКСМ-нь члентнэнь каднось сынст законной прававтомост, комсомолонтэ эрмосонзо участиявтомонтэ, эсь комитеттнэнь роботаст лангсо контрольтеме, ды тень эйсэ самай ульнест колазь руководителтнэнь ды комсомолонтнэнь ютксо виде взаимоотношениятне.

Демократической централизмась алкуксонь тевсэ полавтозель кодамо бути бюрократической централизмасо, те пачтась комсомольской ламо активисттнэнь бюрократокс теевемантень, комсомолонь массатнэнь эйстэ сынст сезевемантень, комсомолонтнэнь эйстэ ды седеяк пек аволь союзной од ломантнэнь эйстэ комитеттнэнь аппаратост сезевемантень.

Организационной неть покш асатыкстнэ ды комсомолонтэ политической роботанть марто аволь удовлетворительной положениясь, политической эрвикс бдительностень аразь-чись, эсь прянь оймавнемась, роботас ломантнэнь выдвижениянь пингстэ сынст серьезной проверямоть асатыксэсь, излишней кемемась шождалгавтызь комсомольской кой-кона организациятнэс маскировазь троцкистской, бухаринской ды лия двурушниктнэнь эцеманть.

Сех пек ансяк неть тувталтнэнь кувалт кармась улеме возможнойкс народонь отъявленной врагонть Ерофицксень троцкистской роботазо, кона эцекшнесь комсомолонь Азово черноморской краевой организациянь васень секретарькс ды маштсь препятствиявтомо пурнамс эсь перьканзо ломанть, конат вейсэ

(Пезэ 2, 3-це страниц тнэсэ)

ВЛКСМ-нь ЦК-нь III-це пленумонь резолюциязо КОСАРЕВ ялгачть докладонзо коряс

В. Г.

Комсомольской органтинь отчетнэ ды кочкамотне

ВЛКСМ-нь ЦК-нь III-це пленумонть резолюциязо ЛУКЪЯНОВ ялганть докладонзо коряс

ВЛКСМ-нь уставось предусматривает комсомольской органтинь выборность верде саезь алов пачкодемс.

Яла теке, кочкамотнень демократической практиканть таркас комсомольской ламо организациятне стаять певтее кооптациятнень ки лангс.

Промкстнэсэ ды конференциятнэсэ комсомольской органтинь составс комсомолецтнэнь пельде кандидатуратнэнь максоманть таркас, сынст эрва ендю ванноманть, персональной голосованианть таркас комсомольской организациятнень руководителтне ловсть седе вадрыкс кандидатуратнень активень теине группасо, „семейной“ порядкасо икеле тешкстамонть.

Промкстнэсэ ды конференциятнэсэ, прок правила, кандидатуратнень коряс преният эзть панжтне, голосованьясь ютнесь спискасо.

Истямом ладсо, уставонть колаз, зыря организациятнева кочкамотне велатнэсть чаво формальностекс, ВЛКСМ-нь члентнэнь жо саезель возможностест олячисэ кортамс кандидатуратнень коряс, лиякс меремс а эрвикс кандидатнэнь отводонь ды критикань эсистер законной праваст тевс ютавтомась.

Комсомольской организациянь секретартнень назначенствань практикась, комсомолецтнэнь ендю атак сода ды участвовомост сынст полавтневаемась пек келейгадсь.

ВЛКСМ-нтень, од ломантнень воспитаниань организациятнень, присуще кеместэ ды цидардозь роботамс комсомольской активень од кадрактнень выдвижениянь ды кастамонть лангсо. Яла теке, комсомольской организациятнень руководителтне икеле ладсо невтять од кадрактнень выдвижениясонть аволь решительность ды пелема, яла лабордыть те эли тона роботникенть а полавтовомадонзо.

Обкомонь, крайкомонь ды нацреспубликантнень комсомолонь ЦК-тнень, ошонь комитеттнэнь ды райкомтнэнь ламо руководителтне алкалгавтызь комитетнэнь пленумтнэнь ролест. Пленумтнэнь пурнамонь шкатне, конат невтеть союзонть уставсонзо, прок правила, колсекшнэвств. Пленумтнэнь анокстамонть ютнекшнэсть лангаверьга. Пленумтнэнь решениятнень лангс вансть формальностэ, тестэ жо сынст топавтомань проверякшномась, прок правила, арасель.

А молдавксэкс ашти се фактось, што первичной организациятнэсэ саезь, обкомтнэс, крайкомтнэс, нацреспубликань КСМ-нь ЦК-тнэс пачкодемс комсомолонь комитетнэнь члентнэ а таргсевичнэвигь комитетнэнь эрва чинь роботантень, тевс а ютавтит секретартнень ды комитетнэ роботниктнень роботаст критикань ды сынст эйс човоргалемань эсистер праваст.

Активень промкстнэнь сех седейстэ ютавтит кодамоак торжественной случайностэ, сень таркас, штобу толковакшномс сынст эйсэ комсомольской организациятнень эрямонь политической ды практической вопросост.

Руководствань истямом практикась зыря организациятнева пачтакшность администрированиянь виевгадоманть, руководствань бюрократикс теевеманть ды массатнэнь эйстэ сынст сезевеманть.

Комсомолонь первичной организациянь промксонть ВЛКСМ-нь

члентнэнь идейно-политической камасмат туртов ули первостепенной значениязо.

Яла теке, комсомольской комитеттнэ алкалгавтызь вейсэн промкстнэнь ролест, сынст полавтнэсть конференциятнень, сменной ды цеховой промкстнэнь пурнамосо.

Таркань эрямонь вострнэ вейсэн промкстнэсэ толковакшновить чуросто, чинь повестканть седейстэ тейнекшнэсэ ошонь комитеттнэ ды райкомтнэ. Седе, мезе теезь промкссо примазь решениятнень топавтомасть коряс, прок правила, комсомолецтнэнь а евтит.

Союзонть уставось предусматривает комсомольской органтинь периодической отчетностень эсистер комсомольской организациятнень икеле.

Ленинской комсомолсонть, воспитательной организациясонть, комсомолонь комитеттнэнь роботамонь келей гласностэ ашти топавтомань алкуксонь проверякшномань, критиканть ды самокритиканть виевгадомань, руководствань тевень вадрылгавтомасонть массатнень опытест ловомань обязательной условиякс.

Яла теке, сень таркас, штобу теэмс эсистер роботадоств комсомолецтнэнь икеле регулярной отчетность, комсомольской ламо комитеттнэ меедьс иетнэст сонзэ лоткавтызь допрок.

Неть извращениятне сехте пек келейгадсть комсомолонь организациятнэсэ, конатнэсэ руководстванть ветить чугункань кинь транспортонь, ведень транспортонь ды совхозтнэнь политотделэнь комсомолонть коряс помощниктнэ.

Весе комсомольской органтинь кочкамсто закрытой (тайной) ды персональной голосованиань ютавтомась ашти ВЛКСМ-нь организациятнень педес-пес келейгавтозь внутрисоюзной демократиятнень, ВЛКСМ-нь члентнэнь алкуксонь инициативанть ды самодеятельностентень, союзной активной эрямос сынст таргамонть ютамокс.

Закрытой (тайной) голосованиань ютавтомась лезды ВЛКСМ-нтень лангс таргамс эщо лангс атак тарга контрреволюционной троцкистской, бухаринской элементтнэнь ды лия двурущниктнэнь, конатне эцестэ комсомолонь башка организациятнэсэ руководстванть, лезды панемс руководстванть политической ротозейтнэнь, од бюрократтнэнь, чиновниктнэнь ды лабордыцятнэнь, конатне сезевств массатнэстэ, максы комсомольской организациятнень руководителест алкуксонь кочкамонть сынст политической ды тевень качествасть коряс.

Тень коряс, ВЛКСМ-нь ЦК-нь пленумось пугы:

1. Ютавтомс комсомольской органтинь отчеттнэнь ды кочкамотнень истямом шкатнэстэ:

а) первичной организациятнэсэ июнень 15-це чистэ августонь васенце чисэ;

б) районной, ошонь ды окружной организациятнэсэ августонь васенце чистэ сентябриянь васенце чисэ;

в) областной, краевой ды республиканской организациятнэсэ сентябриянь васенце чистэ 20-це чисэ.

2. Аравтомс комсомольской органтинь отчеттнэнь ютавтомань истямом порядка:

а) первичной организациянь ко-

митеттнэнь эсистер роботадоств эряви теэмс отчетт комсомолонь первичной организациянь закрытой вейсэн промкстнэсэ; а меремс полавтнеме первичной организациянь отчетной промкстнэнь конференциятнэсэ эли сменной промкстнэсэ;

б) райкомтнэнь, ошонь комитеттнэнь ды окружкомтнэнь эряви теэмс отчетт (районной, ошонь ды окружной) конференциятнэсэ;

в) обкомтнэнь, крайкомтнэнь ды нацреспубликань КСМ-нь ЦК-тнэнь эряви теэмс отчетт областной, краевой конференциятнэсэ ды республиканской с'ездтнэсэ.

3. Комсомолонь комитеттнэнь отчеттнэ икеле должны улемс кемекстэ комитеттнэнь пленумтнэсэ. Кемекстэ отчетонть коряс отчетонь тееме могут ансяк комитеттнэнь члентнэ.

Комсомолонь комитеттнэнь эряви теэмс отчет аволь „общий линиянь“ кис, кода те эрси седейстэ, но эсистер непосредственной практической роботанть кис, сень кис, кода топавтозь ютазь конференциятнэнь (промкстнэнь) решеният, мезе практически теезь политико-массовой ды пропагандистской роботанть вадрылгавтоманзо кис, кода организовазь од ломантнэнь общеобразовательной ды технической тонавтнемасть, кода аравтозь сынст культурно-бытовой нуждатнэнь обслуживаниянь тевес, кодамо состояниасо ашти комсомольской хозяйствас, мезе теезь порядокс сонзэ аравтоманть кис, кода кась комсомольской организациясь отчетной шканть перть, кода лездасть комсомолонь башка организациятнэнь кемекстамосост, кода роботасть комсомольской активень марто, мейсэ конкретно лездасть пионерской отрядтнэнь, школанть ды лият.

4. Отчетной докладтнэнь толкованом шкасэ илязо уле киртызь президиумонть ендю, но улезэ аравтозь конференциянь (промксонть) решениясонзо, истя, штобу прениятнэсэ могли кортнемс сехте ламо делегатт.

5. Делегаттнэнь пельде максозь предложениятнэнь коряс конференциясь (промксось) должен теэмс ды кемекстамс комсомольской комитетанть отчетной докладонзо коряс решения.

6. Аравтомс икеле-пелев комсомолецтнэнь икеле комсомольской органтинь отчетностень истямом порядка:

а) первичной комсомольской организациятнэнь комитеттнэнь эряви теэмс отчетт вейсэн промкстнэсэ кото ковс вестэ;

б) райкомтнэнь, ошонь комитеттнэнь ды окружкомтнэнь

эряви теэмс отчетт промкстнэсэ ды конференциятнэсэ иезнэзэ вестэ;

в) обкомтнэнь, крайкомтнэнь ды нацреспубликань комсомолонь ЦК-тнэнь эряви теэмс отчетт комсомольской активень ошонь ды районной промкстнэсэ иезнэзэ вестэ.

7. Весе комсомольской органтинь закрытой (тайной) ды персональной голосованьясо кочкамонь ютавтоманть кувалт аравтомс, што закрытой (тайной) голосованьясо кочкавить:

а) первичной комсомольской организациятнэнь пельде делегатт районной, ошонь комсомольской конференциятнэсэ ды районной, ошонь окружной комсомольской конференциятнэнь пельде делегатт областной, краевой комсомольской конференциятнэсэ ды нацреспубликань комсомолонь с'ездтнэсэ;

б) группорт, цеховой, участковой, факультетской организациянь бюронь члент ды комсорт, комсомольской комитеттнэнь члент ды первичной организациянь (тосо, косо аравть комсомольской комитетт) секретарт, райкомтнэнь, ошонь комитеттнэнь, окружкомтнэнь, обкомтнэнь, крайкомтнэнь ды нацреспубликань КСМ-нь ЦК-тнэнь пленумтнэнь члент;

в) комсомольской первичной организациятнэнь комитеттнэнь секретарт, райкомтнэнь, ошонь комитеттнэнь, окружкомтнэнь, обкомтнэнь, крайкомтнэнь ды нацреспубликань КСМ-нь ЦК-тнэнь секретарт ды бюронь члент (кочкавить соответствующей комитеттнэнь пленумтнэсэ).

8. Первичной организациятнэсэ комсомольской органтинь кочкамотнэнь ютавтомс ансяк первичной организациятнэнь вейсэн промкстнэсэ, а меремс полавтнеме сынст кода мерить конференциятнэсэ.

9. Кармавтомс обкомтнэнь, крайкомтнэнь ды нацреспубликань КСМ-нь ЦК-тнэнь пурнамс комсомольской активень ошонь ды районной промкст инструктажонь кис ды комсомольской органтинь отчеттнэнь ды кочкамотнэнь ютавтомань порядкань тееманть кис.

ВЛКСМ-нь ЦК-нь пленумось ленинской комсомолонь весе члентнэнь мелест явовты сенень, што эсистер руководящей органтинь кочкамсто эряви тешкстамс ды кочкамс сехте икеле молиция ломантнэнь, конатне проверязь политически, преданнойть большевистской партиятнэнь, испытаннойть практической роботасо, истят ломантнэнь, конатне кеместэ роботыть эсистер марксистско-ленинской образованиясь лангсо.

ИСПАНИЯСО ФРОНТНЭВА

Испаниясо бискайской фронтсо яла молить пек виев бойть басктнэнь масторонть ды сонзэ Бильбао столицанть героической ванстыця республиканской ды фашистской интервенттнэнь ды мятежиктнэнь вейсэнгавтозь вийтнэнь ютксо. Меедьс читнэстэ фашисттнэнь покш активностест фронтонь обед ено чи лисема енксо участкасонть Дима ошонть районсо, косо маень 23-це чистэ мошты пек виев бойть.

Коммунистической партиясь тердсь теэмс суботник окопонь чувомо ды убежищань строимо. Те тердеманть лангс паро меедьс

ответасть Бильбао ошонь весе трудиятне. Маень 23-це чистэ суботниксэнь ульнэсть тыщат ломанть.

Центральной (мадридской) фронтсо республиканской войскактне маень 23-це чистэ, икелев мошэть, сайсть 7 велеть Сифунтес ошонть эйстэ чи лисема ено районсо. Те операциясь макссь возможность республиканецтнэнь вейсэндямс эсистер частьтнэнь марто, конат аштить Бриуэга ошонть эйстэ пелеве ено.

(ТАСС).

Отв. редакторсь М. ЛЮПАЕВ